

## 聖誕樂無窮

### 學習範疇：語言理解

#### 學習目標：

- 幫助理解故事，並回答相關問題
- 提昇高階語言及思維技巧，並回答延展性問題

#### 所需物資：

- 故事圖卡【聖誕樂無窮】
- 問題範例

#### 方 式：

- 成人可以先剪出故事圖卡【聖誕樂無窮】，了解的情節內容，包括插圖及文字，並參閱「問題範例」。

#### 階段一：故事內容

- 在初次閱讀時，先幫助兒童理解故事的關鍵內容，包括：時間、地點、主角、起因、經過、結果。成人可以指出圖片配合動作展示來講解，亦可以加入玩偶、物件等道具，一起扮演相關的情節及對話以幫助理解。同時可以透過問答，或者隨兒童帶領自由討論，逐一探討關鍵內容。
1. 向兒童故事圖卡，並以口語說故事，鼓勵留心看圖畫及聽故事答問題。
  2. 每說完一段故事，可以稍作停頓，參閱「問題範例」，挑選兩至三條問題，就故事的圖畫及內容向兒童提問。例如：「黑板前面有咩呀？」
  3. 把兒童的回應擴展成完整句子作回饋。例如當兒童回答說「聖誕樹」，成人可以說：「係喎，黑板前面有聖誕樹。」

## 階段二：延展思考

- 當兒童能理解故事的基本情節，便可以進行延展性的討論，引導思考及幫助連結故事及生活經驗。
- 例如問：「如果棵聖誕樹好高，連李老師都唔夠高掛星星上樹頂，仲有咩辦法可以掛到粒星星上去呀？」

## 注意事項：

- 「問題範例」中有內容性及延展性兩類問題。
- 若兒童的理解能力較弱，建議成人集中發問內容性的問題。
- 延展性問題旨在訓練兒童的推理、解難、類化、假設等能力，成人可鼓勵兒童一起動腦筋，想出更多可行的答案，透過討論豐富經驗。若兒童對故事的理解能力較高，對與內容有關的問題已有充分的掌握，成人發問時可增加延展性問題的數量，進一步提升兒童的語言推理能力。
- 共享閱讀能提昇兒童對讀的興趣及聆聽理解能力。成人應多用讚賞的態度，不應只著重考問及答案的對錯，以鼓勵兒童繼續聽故事及嘗試回答。同時成人可以在提供語言刺激，解釋情節和示範回答。
- 把兒童的回應擴展成完整句子作回饋，可以幫助提昇他們的表達能力。

此教材參考自協康會《聽說讀寫小寶盒》。

學習範疇：語言理解

## 故事圖卡【聖誕樂無窮】







今天是聖誕節。學校舉行慶祝會，  
李老師請同學們一起佈置課室。

1



我們把聖誕樹放在課室的黑板前，  
又放了很多禮物在樹下。

2



慶祝會開始了，  
有些同學表演唱歌。

3



另外，有些同學表演跳舞。

4





表演十分精彩，  
大家都開心地拍手歡呼。

5



表演結束後，我們互相交換禮物。

6



然後，我們一起吃蛋糕和喝果汁。

7



最後祝各位朋友們：  
「聖誕快樂！」

8



學習範疇：語言理解

## 問題範例

請參考教案的建議，按照階段挑選部分的問題來進行活動。

✧ 內容性問題

◆ 延展性問題

### 第一段

P.1-2 今天是聖誕節。學校舉行慶祝會，李老師請同學們一起佈置課室。我們把聖誕樹放在課室的黑板前，又放了很多禮物在樹下。

- ✧ 「慶祝會喺邊度舉行㗎？」 (學校、課室)
- ✧ 「黑板前面有咩呀？」 (聖誕樹)
- ✧ 「佢哋將啲咩放喺聖誕樹下面呀？」 (禮物)
- ◆ 「每年嘅聖誕節係幾多月幾多號？」 (12月25號)
- ◆ 「點解會有聖誕節嘅？」 (因為紀念耶穌降生)
- ◆ 「如果棵聖誕樹好高，連李老師都唔夠高掛星星上樹頂，仲有咩辦法可以掛到粒星星上去呀？」 (用梯爬上去、企上張凳度)

### 第二段

P.3-5 慶祝會開始了，有些同學表演唱歌。另外，有些同學表演跳舞。表演十分精彩，大家都開心地拍手歡呼。

- ✧ 「慶祝會有咩表演節目呀？」 (唱歌、跳舞)
- ✧ 「有幾多個同學表演唱歌呀？」 (五個)
- ✧ 「啲同學表演成點呀？」 (好精彩)
- ◆ 「你估佢哋喺學校嘅邊度表演呢？」 (禮堂)
- 「你點知呀？」 (因為有舞台有幕、地方好大，可以排到好多張凳等等)
- ◆ 「除咗唱歌同跳舞表演之外，你仲見過咩其他表演呀？」  
(樂器、芭蕾舞、話劇、朗誦等等)



### 第三段

P.6 表演結束後，我們互相交換禮物。

- ✧ 「佢哋圍埋一齊做咩呀？」 (交換禮物)
- ✧ 「佢哋每人擺住幾多份禮物呀？」 (一份)
- ◆ 「咩係『交換禮物』呀？」 (每人預備一份禮物帶番黎，同其他人交換，每人都會收到一份新禮物帶番屋企)
- ◆ 「你收過咩禮物呀？你鍾唔鍾意嗰份禮物呀？」 (自由作答)

### 第四段

P.7-8 然後，我們一起吃蛋糕和喝果汁。最後祝位朋友們：「聖誕快樂！」

- ✧ 「佢哋幾時食嘢呀？」 (交換完禮物之後)
- ✧ 「佢哋食咩呀？」 (蛋糕)
- ✧ 「同學們互相講啲咩呀？」 (「聖誕快樂！」)
- ◆ 「蛋糕唔可以擺喺室溫太耐。你估頭先佈置聖誕裝飾同表演嘅時候，個蛋糕擺咗去邊？」 (學校嘅雪櫃度)
- ◆ 「開大食會時，除咗蛋糕，通常仲會有咩嘢食呀？」  
(三文治、菠蘿腸仔、啫喱、雞翼等等)
- ◆ 「除咗聖誕節，我哋每年仲會慶祝咩節日呀？」 (農曆新年、中秋節等等)

此教材參考自協康會《聽說讀寫小寶盒》。